

DE
VIA AC RATIONE
QVA
CL. AELIANVS SOPHISTA
IN
HISTORIA ANIMALIVM CONSTRIBENDA
VSVS EST,

SCRIPSIT

CAROLVS GOTTLÖB KVEHN.

M. C.

LIPSIAE

EX OFFICINA LANGENHEMIA.

THE EAST INDIA

COMPANY LIMITED

AND GENERAL TRADING COMPANY

1854

1854

THE EAST INDIA COMPANY

1854

1854

THE EAST INDIA COMPANY

V I R O

ILLVSTRI EXCELLENTISSIMO GENEROSISSIMO

DOMINO

FERDINANDO WERNERO
A VELTHEIM

SACRAE CAESAREAE MAIESTATI ROMANAE

A CVBILI

DYNASTAE OSTRAVIAE WEINSANDIAE

ET DING-ELBE ETC. ETC.

MAECENATI OPTIMO MAXIMO

HVNC QVALEM CVNQVE LIBELLVM

PIA GRATQAVE OFFERT MENTE

CAROLVS GOTTLOB KVEHN.

THE

AMERICAN

DICTIONARY

OF THE

ENGLISH

LANGUAGE

AND

SYNTAX

BY

JOHN

W. H.

WALKER

OF

Quamquam nos felici quodam fato in illa incidimus tem-
 pora, quibus historia naturalium corporum a viris ex-
 colitur, ingenii felicitate beatis, observationis solertia ornatis,
 aliisque omnibus subsidiis instructissimis: tamen, si monimen-
 ta scriptorum, qui huius scientiae, adhuc quodammodo in
 lacte et fasciis versantis, primi rationem habuere, suisque
 studiis liberalique opera veluti educare, educatamque excolere
 studuerunt, si, igitur, horum scriptorum monumenta ob va-
 rios errores in illis obuios, rerumque narrationem, nos qui-
 dem non amplius nouitate percellentium sua, neglecta abiie-
 cere velimus; magno vereor opere, ne simus paulo iniquio-
 res erga horum virorum luculentissima merita aestimatores.
 Historiae enim naturalis campus tam late patebat, perque illum
 ducens iter, antequam indefessa virorum eruditorum opera
 aperiebatur, apertumque muniebatur, tam asperum et confra-
 gosum erat, ut non humani, sed diuini ingenii vir ad omnia
 illa impedimenta vno quasi impetu superanda requireretur.
 Cuius quidem immensi laboris molestias si paulo accuratius
 animo metimur nostro: lubentissime primis naturae observa-
 toribus omnes condonabimus errores, in quos aut necessario-
 rum subsidiorum inopia detrusi, aut feruido illo, in intimos
 naturae recessus penetrandi, studio abrepti inciderunt. Haec
 enim est fere omnis humanae eruditionis fortuna, nec nostris
 temporibus, clarissima bonarum literarum luce collustratis, in-
 usitata, ut, quo ampliores termini aliquam circumscribant scien-
 tiam, eo difficilior sit omnium errorum euitatio. Quae cum
 ita sint, haud temere metendum esse videtur, ne simus et in-
 grati-

grati et iniqui, si Aristotelis, Theophrasti, Antigoni Carystii, Nicandri, Oppiani, Aeliani, aliorumque sequioris aetatis Graecorum scripta, quibus illi viri per vniuersam historiam naturalem diffundere sunt conati lucem, vtpote variis deturpata fabulis, tanquam inutilia reiicere, eaque profundis obliuionis tenebris tradere velimus. Equidem igitur, pietatis gratique animi declarandi officio ad scribendum inuitatus, non inanem operam in eripienda obliuioni memoria Aeliani, de historia naturali pro temporis ratione ingenique modulo satis bene meriti, collocasse videbar, imitatus in hac re exempla aliorum Virorum Eruditorum, et *Paul. Jac. Foertschii* quidem de *Oppiano, poeta Cilice*, differentis, quam scriptiunculam, a *Schneidero V. D.* diu multumque quaesitam, ipse possideo: nec non *D. Gallischii*, qui de *Aristotele, Historiae Naturalis scriptore*, nuper scripsit, et *Sanderi*, qui nec Aeliani in historiam naturalem merita *) illaudata esse voluit.

Priusquam vero in rationem exponendae historiae naturalis, ab Aeliano adhibitam, paulo accuratius inquirō: audiendum esse puto scriptorem ipsum, ne fortasse plura, quam ipse praestare voluit, ab eo expectemus. Scilicet noluit Sophista noster animalia ordine quodam describere, et quidquid de singulis aut e libris hominumque sermonibus acceperat, aut sua ipse cognocerat observatione, vnum in locum conferre, imo vero hoc studiosissime vitauit, ne tam senero et rigido ordinis seruandi studio lectores, narrationis varietatem amantes, fugaret. Deinde animalium viuendi agendique rationem fere vbique cum hominum moribus vitaeque institutis contulit, illorumque exempla his veluti incitamenta ad bene honesteque agendum proposuit. Denique etiam inuentorum

a) In programme quoddam, nostra scripto lingua, sub titulo hoc: *Nachricht von Aelians Beytraegen zur Naturgeschichte*. Continet illud pauca, huc proprie pertinentia, plurima, quae sub alio quocunque titulo scribi poterant eodem iure.

novitate, veri amore, orationisque suavitare suae historiae commendationem conciliare voluit praestantiamque reliquorum, qui ante eum ingenii vires in eodem campo exercuerunt. Quae quidem omnia, cum in praefatione, tum in epilogo Historiae Animalium ab ipso Aeliano commemorata, nisi iniqui de illius viri labore, in excolenda historia naturali collocato, iudicare velimus, semper ante oculos posita spectare atque sequi debemus.

Iam vero non esse puto, quod, quem supra scripsi ordinem ab Aeliano adhibitum fuisse, eum pluribus exemplis, in medium prolatis, confirmem, cum, quotusquisque illud de animalibus opus vel fugitiuis tantum oculis perlustravit, is ignorare nequeat, Aelianum, ut quaelibet res sese eius vel animo vel oculis obtulisset, ita et eam, nulla opportuni loci habita ratione, literis consignasse. Hinc et excusandae esse videntur repetita de una eademque re narrationes. Quam quidem ob causam magnopere miror, Sanderum, Virum Clarissimum vituperasse nuper religionem editorum Aeliani, qua ducti hoc de animalibus opus tam indigestum atque inordinatum reliquerunt. Omnino enim non cogitasse videtur Vir Eruditissimus, quantum taedium sit lectoribus creaturus, qui omnia, ab Aeliano relata atque observata, ad ordinem revocare velit, a Linnaeo, aliisque viris, in hoc eruditionis campo regnantibus, constitutum. Quamobrem progredior ad alterum, quod praecipuum historiae suae ornamentum voluit esse Sophista noster. Tanta vero, ut eligendi difficile sit iudicium, locorum multitudo mihi sese obicit, e quibus luculentissime adparet, Aelianum omnem occasionem studiosissime anquisivisse, sermonis a brutis ad homines transferendi, et inter utraque animalia comparationis instituendae. Sic Aetneos pisces cum narrasset ea esse continentia, ut, quamprimum sese cum femella coniunxerint, ab aliis omnibus feminis abstineant: suaviter irridet res publicas, in quibus libidinosi homines le-

ges^{b)} grauissimas eludere atque perfringere non erubescant. In sequenti statim capite Merularum vagam venerem cum Medorum Persarumque vita comparat. Quem quidem locum eo lubentius profero, quo iucundior animum subit meum recordatio^{c)} programmatis ab Eruditissimo Moro, *de nexu significationum eiusdem verbi*, nuper scripti. — *Libr. I*, 20. matrum erga liberos amorem cum Delphinorum erga sobolem amore componit, illasque ab his longe superari adfirmat. — *Libr. V*, 29. anseres nulla vi eo adigi posse legimus, ut laurum et rhododaphnen deuorent, quibus adsumtis vitae pericula subeant; contra vero homines aut imprudentes aut sponte sua a noxio non abstinere victu. Similis fere coloris sententia recurrit *Libr. VIII*, 9. — *Libr. VI*, 61. pluribus Lycurgi legem, qua praeceperat, ut minores natu honorem senioribus tribuerent et reuerentiam, transfert ad elephantos, qui sola natura ducti eandem erga senio debiles observantiam exsererent. Plura nolo congerere in hanc rem exempla.

Iam vero vltimum, e quo sperabat, fore, ut insignis historiae suae accederet ornamentum, cernitur in veri amore, inuento.

b) *Libr. I*, c. 13. ὅκ ἀιδῶται Σόλων. Scilicet leges Solonis ob acerbitatem, qua in adulteros, adulterasque animadvertebant, male olim audiebant. Feminis quidem adulterii reis non amplius licebat sese ornare et sana ingredi: ornatam si quis deprehendebat, eius vestes impune poterat discindere, crines compositos dilaniare, quin et eam verberare, ita tamen, ut vitae semper parceretur. Nec marito, nisi infamiae notam sibi inurere veller, adulteram in matrimonio habere permillum erat. Vid. *Plutarch. Solon Tom. I*, p. 108. et *Bryan. et Meursius in Solon. c. 18*. Ad eandem legem seueritatem adludit *Heliod. Aethiop. I*, c. 17. p. m. 60.

c) *Pag. 9*. ubi de voce λαμυρός doctissime, ut solet, disputat, mentionem quoque initit loci Aethanæ huius, in quo eadem vox occurrit. — Permutatam vocem λαμυρός deprehendit acumen Schneideri ad *Plutarch. de pueror. educat. p. 11* in Aetaci loco de Sign. Acut. Morbor II, i. in quo pro τὰ λευκά τῶν ὀφθαλμῶν λαμυρώτατα καὶ πῶς αὐτὰς felicissime emendat τὰ λευκά τῶν ὀφθ. λαμυρώτατα καὶ πῶς αὐτὰς Ruhnken. in *epist. critic. I*, p. 17. in *Erymōl. Magn. f. v. λαμυρῆν* πῆ ὀφθαλμοῦ, ὅπου πολλὰ, ex Homero λαμυρῆν recte, ut viderur, in ἀλμυρῆν mutauit.

inuentorum nouitate, orationisque suauitate. Ac veritatis quidem cultorem fere vbique sese profitetur, dum auctores vituperat, qui ante illum de animalium naturis scripsere. Sic Herodotum reprehendit, quod (*Libr. V, c. 10.*) apes Scythiae tradiderit a frigore non infestari. In quo tamen vereor, ne ^d) Aelianus paulo magis, quam iudicem aequum decebat, cupide iudicauerit. Etenim ipsi Herodoto, quae e sermonibus Thracum, Istro proximorum, narrauerat de apibus frigoris patientibus, parum ueritati respondere videntur, cum, vt ipse addit, apes sint animalcula *δύσπρυα* h. e. frigus aegre tolerantia. Eundem scriptorem carpit *Libr. XVII, 36.* quod miratus erat, solos, qui in exercitu Xerxis erant, camelos a leonibus fuisse dilaniatos, nullo iumento alio homineue tunc temporis laeso. Omnino vero obseruasse mihi videor, Herodotum sese tam parum probasse Aeliano, vt vbiuis fere, eius mentione facta, aut contemptum laudaretur, aut cum acerbitate vituperaretur. Nec ipsum adeo Aristotelem sine censura dimisit. Negat enim *Libro VII, 30.* illos auctores recte facere, qui contra Sophoclis, Euripidis, Anacreontis, Pindari, (poterat et addi Callimachi *hymn. in Dian. v. 100-103.* ad quem loc. vid. *Ezech. Spanhem.*) auctoritates adfirmant, ceruis femellis nulla esse cornua. Cuius tamen sententiae defensorem legimus Aristotelem de *Part. Anim. c. 2. extr. Hist. Anim. IV. cap. ultim.* vt alia loca taceam, quae magna cum diligentia collegit Sam. Bochart. in *Hierozyic. Tom. I. p. 881.* et ex hoc fonte hausta, suppresso tamen Bocharti nomine, retulit pro more suo ^c) Abr. Grono-

d) *Conf. Libr. II, 53.* ἀγὰρ δὲ ἀκὼν λέγοντες ἐν συγγραφῇ, καὶ μάλιστα Σουθιδας ἄνω, ἐπαίειν τε τὴν κρύως ἔδδν, καὶ μέντοι καὶ πικράσκειν ἕς Μουσὴς κομιζοντας Σουθιδας δὲ οὐκ ἐδύναντο σφίσιν ἀλλ' ἀνδιγενὲς μέλι. Ita hunc locum recte exhibent edd. quas consului: eius tamen emendati auctorem tacent commentatores. Is vero est Sam. Bochart. in *Hieroz. Tom. II. p. 505.* vbi in suo libro legi monuit ἐδύναντο, et ἀνδιγενὲς.

e) Videtur omnino haec Abr. Gonouii editio, quae Londini 1743. 4to. prodiiit, vtut splendidissima, tamen Aeliano parum utilitatis adferre.

Gronovius ad Aeliani l. c. Facillime vero intelligitur, Sophistam nostrum, nisi ipsi tale cornutae ceruae exemplum occurrisset, poetarum testimoniis plus dedisse, quam veritati. Quamquam vero Aristoteles *ll. cc.* strenuusque eius per omnem fere suam historiam sectator, Plinius alique ab Aeliani Commentatoribus laudati scriptores adfirmant, cervis feminis nulla esse cornua: tamen opinor, non omnino contra naturam fieri, quod interdum ceruae, cornubus decorae, reperiantur. Eius rei testem profero satis locupletem, Thom. Graevium, qui ad *Callimach. l. super. laudat.* suis temporibus narrat in Cimbri-
ca Chersoneso ceruam fuisse captam, praegnantem illam quidem, sed magnis tamen instructam cornubus. Quo cum viro consentit et Harduinus ad *Plin. Histor. Natur. VIII. 32.* qui in Gallia similes cervas fuisse repertas testatur. His vero Duumiris, Herodoto et Aristotele, ab Aeliano notatis, adiun-

Nihil enim continet, nisi varias lectiones, e Cod. Mediceo descriptas, quae cum Gesneri coniecturis tam saepe conveniunt, ut aut ille ipse codex, aut alius, cum Mediceo ex eodem ductus fonte, a Gesnero adhibitus esse videatur: coniecturas, praeter Gesneri iam laudatas, Trilleri paucorumque aliorum: et ieiunas denique laudationes auctorum, qui easdem cum Aeliano res descripserunt. Ego quidem, cum ad hanc de Animalibus historiam accuratius legendam animum adlicerem: intelligebam, fontes illos ipsos esse adeundos, e quibus Aelianus pleraque sua hausisset, partim ut, quid huic scriptori proprium esset, animadverterem, partim ut viderem, an ex hac mutua scriptorum collatione non nihil utilitatis redundaret in multa eorundem auctorum loca corrupta. Cum illi enim in describendis animalibus, aliorumque naturalium corporum indole exponenda Aristotelem fere ubique sequerentur ita, ut et saepe ipsa eius adhiberent verba, et semet ipsos quoque haud raro inuicem exscriberent: mutuam sibi operam praestant in corrigendis locis, quae librariorum aut negligentia, aut stupore, aut etiam emendandi libidine ad nos peruenere corrupta. Exemplo in hac re praeiit Schneider. in *Peric. Crit. c. 5. p. 133. seqq.* Neque vero in his acquiescendum esse videbatur: sed scriptores historiae naturalis recentiores conferendos quoque esse putabam, ut et animalium nomina, nostris temporibus recepta discerem, et quid veri, quid fabulosi olim esset creditum, intelligerem. An sic aliquando dignior scriptore tali prodire potuerit editio, iudicent harum rerum periti.

adiungere poteram comites ^{f)} Hermippum, ^{g)} Eudoxum, aliosque, quos tamen, ne nimius sim in re aperta probanda, de industria dimitto. Iam vero non minorem veri amorem in eo prodit, quod, cum, quae a veritate aut probabilitate paululum recedere videntur, narrat, modeste addit: *ita audiui etc.* Sic ^{h)} ex hominum fama acceptum refert in Lybia lacum esse feruentem, in quo nihilo secius viverent pisces, qui in frigidam immissi statim morentur. Eandem prudenter dubitantis personam agit etiam, cum de Scorpii ortu ex Crocodili cadavere, de Cinnamomo Arabiae aue, et de corporis partibus in quibusdam animalibus praeter naturam numero auctis, exposuit. Quem ultimum locum eo libentius arripio, quo opportuniorem mihi praebet occasionem, de vita et aetate Aeliani quaedam monendi, quae vel Perizonii, co-

(((2

piose

f) *Vid. VIII. 40.* quo in loco Hermippum adfert narrantem, inter Aethiopes esse aliquam gentem, cani tanquam regi parentem. De ipsa hac historiola, fateor, nullum scriptorem alium exponentem me legisse praeter Plutarchum, a Gronovio laudatum. De Hermippo vero, cum nec Gronov. nec alius quisquam interpretum aliquid attulerit, haec pauca iam subiungere liceat. Videtur nimirum is scriptor idem esse cum illo, cuius meminit *Suidas f. v.* Fuit vero libertinus, Beryto ortus, sub imperatore Hadriano clarus. Scripsit praeter opus illud, *de claris servis*, cuius mentionem iniicit *Suidas f. v.* ἱεροῦ, multa adhuc historica.

g) *Conf. XVII. 14.* ἐγὼ μὲν δὲ περὶ τοῦτο — ὁ Φυσικὸς Εὐδοξὸς, ἐπεσφάλην τὰς ἡρακλέους τέλας, ἑωρακέναι ἐν λίμνῃς ὄντας τὰς μέζους βοῶν. Videtur hic Eudoxus idem esse cum illo, cuius γὰρ περίουον laudat *Strabo*, haud procul ab initio operis sui, et p. 581. ed. *Almelov.* Namque notatur ibidem *Libr. XII. p. 827.* quod fabulis dederit nimiam fidem, hisce verbis: ἄπειρ ἡρόδοτος καὶ Εὐδοξὸς καταφλυάσσαν. Plura in aliud differo tempus.

h) *Libr. XIV. 10.* — Nullibi legi ego quidem de lacu eiusdem naturae, in Lybiis occurrente descriptionibus. In *Pompon. Mel. I. 8.* mentio tantum fit fontis similis indolis: *Fons*, inquit ille, *media nocte feruet; mox et paulatim tepescens, fit luce frigidus; tunc, ut sol surgit, ita subinde frigidior, per meridiem maxime riget: sumit dein tepores iterum; et prima nocte calidus, atque ut illa procedit, ita calidior, rursus cum est media, perferuet.*

pioſe et accurate de hoc ſcriptore differentis, diligentiam effu-
giſſe videntur. Scilicet non animaduertit Vir ille Doctiſſimus,
Aelianum inter et Philoſtrato, vitam eius deſcribentem, non
conuenire. Aelianus enim narrat *Libr. c. 40.* ſeſe Alexandriae
vidiſſe bouem, quinque pedibus deformem. Quod, ſi Philo-
ſtrato fides narranti, Aelianum nunquam conſcendiſſe nauem,
mare nunquam expertum, neque Italiae fines egreſſum fuiſ-
ſe, omnino a veritate abhorret. Nolo vero ad hunc aucto-
rum diſſenſum inuicem conciliandum a Codicibus expectare
auxilium, quae Abr. Gronouii in *praefatione ad Aeliani Var.
Hiſtor.* ſententia fuit, atque e uaria illa lectione Φιλιανός, quam
Cod. quidam adfert, colligere, aut vitam illam a Philoſtrato
conſcriptam omnino Aeliani non eſſe, aut, cum multa in ea-
dem tradantur, quae in aliis ſcriptoribus de noſtro Aeliano
narrantur, a librario negligente, nominum ſimilitudine de-
cepto, duas Sophiſtarum vitas in vnā eſſe conſtatas. Hoc
tantum meminiſſe ſufficiat, Philoſtratum eſſe hominem
fere vbique ſuſpectae fidei, quippe qui, tantum non omnia
ſua ex hominum ſermonibus ſeſe hauſiſſe, nec ipſe ne-
gat. Ejuſdem de Philoſtrato ſententiae iam dudum fuiſſe
cognoui *Henr. Valeſium, Emendatt. Lib. V, c. 1 - 3.* cuius tamē
argumenta, quibus Aeliani aetatem definire eſt conatus, non
omni ex parte grauiā et extra omnem dubitationis aleam po-
ſita ſunt, vti erudite monuit Schneider: V. D. in *Periculo
Critic. p. 128.* qui idem ibidem miratur, neque Perizonium,
neque Valeſium, neque alium quemlibet virum doctum, de
Aeliani vita exponentem, vidiſſe, certam aetatis Aelianeae no-
tam inde peti poſſe, imo debere, quod Sophiſta ille multa ex
Oppiani poëtae libris in ſuam de animalibus hiſtoriam tranſu-
lerit. Quae quidem obſervatio nec parum prodeſt ad ſcriben-
di genus Aeliani floridum illud, et multis poëticis vocibus di-
ſtingtum, explicandum. Neque vero intactam relinquere vo-
lui Sam. Bocharti de auctore hiſtoriae animalium, ad Aelia-
num

num vulgo relatae, sententiam. Videtur nimirum Vir ille Eruditissimus, *Hieroz. Part. I. p. 678.* Sophista nostrum, qui de animalibus scripsit, ab illo distinguere, Variæ Historiæ auctore. Cui quidem sententiæ quantum sit tribuendum, adparet, vt alia argumenta taceam, a Perizonio in *praefatione ad Var. Histor.* allata, vel ex orationis genere, in vtroque opere obuius, et ex epilogo historiæ animalium, vbi sese Aelianus depingit talem, qualem nobis eundem proposuit Aelianum Philostratus. Sed ne, dum controuersiam illam de Aeliani ætate, vita, scriptisque, olim inter viros doctos agitatam, prosequor, nimium de via deflectam: dum licet, eo, vnde sum digressus, regrediendum esse puto. Cum igitur Aelianus fere vbique suum veri studium amoremque prædicet ipse: miratus sum sæpe, qui fieri potuerit, vt ipsius diligentia magnam fabularum multitudinem adhuc suæ historiæ immixtam relinqueret. Huc refero ⁱ⁾ fictam illam apum e bouis cadavere originem: ^{k)} vim quandam, futura hominibus præfagiendi, draconibus insitam

)((3

i) Omnem rem pulcherrime descripsit Virgil. *Georgic. IV, 295 — 314.* qui idem pinxit apum sic nascentium formam, inde a v. 308.

*Interem teneris tepesactus in ossibus humor
Aestuât, et visenda modis animalia miris,
Trunca pedum primo; mox et stridentia pennis
Miscentur, tenuemque magis magis aëra carpunt:
Donec, vt æstiuis effusus nubibus imber,
Erupere, aut, vt nervo pulsante sagittæ,
Prima leues ineunt si quando proelia Partii.*

Quo quidem e loco adparet, vulgatam et vbique fere receptam fuisse opinionem illam: apes e cadaveribus bouum oriri. Plura in hanc rem a veteribus perperam apibus tributa collegerunt Sam Bochart. *Hieroz. p. 502 — 505.* et quos Heynius ad limitem *IVti libri Georgic.* laudauit, Swammerdam. in *Tractat. de apibus*, qui Biblii Naturæ insertus reperitur, et Reaumur. *Histoire des Insectes. Tom. V.*

k) Vid. *XI, 16.* Quidquod e Philostrato, quem Bochart. *Hieroz. T I p. 22.* produxit, didici, quondam fuisse, qui et illam, futura prædicendi vim ad homines transire putarent, carnes draconum comedentes

fitam: ¹⁾ cantum olorum: ciconias in homines mutatas, et alia, quae, quamuis fabulosa, olim tamen sunt ab historiae naturalis scriptoribus credita, et ab Aeliano sine fictionum suspitione denuo reeocata. At nonne haec historiae naturalis amantes ab huius scriptoris lectione merito deterreant? Equidem quamquam nolo imitari eos, qui, cuius scriptoris lectione praecipue delectantur, eum ceteris omnibus praeferre, et ab omnium vitiorum maculis liberum venditare haud dubitant: tamen non video, quare, hac sola causa inducti, scriptorem contemnere velimus, cuius repetitam lectionem et iucunditatis et utilitatis haud parum adferre, mihi habeo certissime persuasum. Atque vero, si eandem ubique sequi rationem animus sit; quotusquisque tandem scriptor, qui a nobis legatur, dignus foret?

Placuit etiam egregie Aelianus variis observationibus, quibus historiam naturalem auxit ornauitque. In quibus tamen enarrandis iam nunc eo breuior ero, quo magis constitui, de illis alio tempore accuratius exponere, quam nuper a Sandero esse factum intellexi. Quamquam enim Vir ille Clarissimus de symbolis scripsit, quas Aelianus ad maiorem historiae naturalis culturam contulit: tamen in exemplis, ab illo allatis, symbolas vix agnosco, imo potius adfirmauerim, nisi omnia, pleraque tamen iam ab Aristotele, aliisque scriptoribus, Aeliani aetatem praegressis, fuisse obseruata, literisque consignata. Sed ne cupide de Viri Eruditissimi libello iudicare videar:

1) In hac fabula narranda tam mire variat Aelianus, vt, quae eius sententia sit, definire cento vix possis. *H. A. XIV, 13.* cygnos vocat Ἀπόλλωνι λατρεύοντας καὶ ὠδικωτάτους, quos *Libr. V, 34.* narrat μελωδὸν τῆς ἐπικύδειον αὐτοῖς μῦσαν, ἐφόδια δίδοντας τῆς ἀποδημίας ἢ θεῶν ὄνους, ἢ ἑκαὶ αὐτὸν τῶν. Sed *II, 32.* nescire se profitetur, quid de hoc cygnorum cantu sit statuendum: et in *Var. Hist. I, 14.* negat plane, et se et alium quemuis audiuisse cygnorum carmen. Ceterum non esse omnino vana, quae de cygnorum cantu scripserint veteres, probat S. V. Ernesti ad *Callimach in Apoll. v, 5.*

dear: liceat exempla quaedam proferre, quibus sententiam confirmem meam. Refert igitur inter noua inuenta Aeliani (noua enim debebant esse, quae symbolarum nomine insigniebantur) Sanderus ^{m)} superfoetationem leporum. At iam dudum ante Aelianum, id quod, puto, nec Virum Clarissimum latuit, Aristoteles idem de leporibus obseruauerat de *Gener. Anim. IV, 5. p. 1322. Tom. I. ed. Laemar.* vbi et causae enarrantur, propter quas multae animalium nationes foetus et perfectos et imperfectos vno eodemque tempore in vtero gerant. — Neque vero magis illa ⁿ⁾ de vsu alarum struthiocameli obseruatio Aeliano veluti propria vindicari potest. Et enim narrant eadem iam Aristoteles de *Part. Animal. IV, 14.* Xenophon *Anabas. I, 5. p. 23. ed. Mori*, ad quem locum Hutchinsonus laudauit *Diod. Sicul. II.* de eadem re exponentem. Vid. et Sam. Bochart. *Hieroz. Part. II, p. 245.* Fortasse felicior Sanderus fuit, cum ad symbolas, quibus Aelianus historiam naturalem locupletauit, referret illa ^{o)} de lacertarum vita, etiam post dissectionem superstitē: ^{p)} de muscis, aqua submersis,

m) Vid. *Hist. Anim. II, 12.* φέρει ἐν τῇ μητρὶ τὰ μὲν ἡμιτελῆ, τὰ δὲ ἀδύνατα, τὰ δὲ ἤδη οἱ τέτταται.

n) Vid. *Hist. Anim. II, 27.*

o) Conf. *H. A. II, 23*, vbi scripsit lacertas non modo dissectas vivere adhuc, sed et partes illas abscissas, sibi inuicem rursus adpositas, coalescere. Ex parte mihi video in Aristotele inuenisse iam hanc obseruationem. Scilicet *H. A. II, 17. p. m. 876 Tom. I.* narrauit, caudas viperarum resectas renasci. Quae Aelianus auxit quidem, ita tamen, vt vera misceret falsis. Negari enim haud potest, viperas in partes discissas eodem viuere modo, quo ranae, quibus humana aut crudelitas, aut discendi cupiditas coreuulsi: siue quo anguillae, quarum partes a se inuicem separatae, quin et in aquam feruentem immisissae motum adhuc exercent. Est vero haec vita mere mechanica illa, non autem animalis.

p) Vid. *H. A. II, 29.* ἐν δὲ αὐτῇ ἐξέλωσι τὸν νεκρὸν, καὶ τέφραν ὑμᾶσι, καὶ καταθήσει ἐν ἡλίῳ αὐγῇ. ἀναβιώσει τὴν μὴν. pro quo Ouentendorpius, Thom. Magistri auctoritate, actionem verbi ἀναβιώσει vocem in hac notione damnantis, reponit ἀναβιώσει pro ἀναβιώσῃ. Ceterum solis calore muscas,

mersis, et folis aut cinerum calidorum calore reuiuiscuntibus: 9) de fede veneni viperarum: quibus addo de ¹⁾ vi medicata sanguinis canum marinorum, ²⁾ de captura Pelamydum etc. etc. quae, quamuis non omnia veritatis notam prae se ferant, tamen ab Aeliano primo sunt literis tradita. Huc et cuncta illa retulerim loca, in quibus Sophista noster illos, qui ante eum de naturae corporibus exposuerunt, arguit errorum. Sed haec, vti dixi, alii referuare tempori animus est.

Neque vero minorem laudem consequi studuit Aelianus scripturae ad atticam elegantiam suauitatemque conformatione. In quo quidem studio nec infelici illum fortuna vsum fuisse vel hoc testimonio est, quod Suidas *f. v. Αιλιανός*, eum tradidit ob eloquentiae facundiam suis temporibus *μελιφθογγον* seu *μελιγλωσσον* audiuisse. Cuius cognominis, non temere ipsi a suae aetatis hominibus tributi, testes sunt, praeter *Historiam Variam*, et hoc de *Animalibus* opus, epistolae eius XX, quae ex maiori multitudine temporis iniuriae, veluti naui tempestatis furore distractae fragmentum, solae sunt ereptae. Illae mihi, quidquid attici salis et facundiae a Romano Sophista ne vix quidem expectari poterat, cum honesta verecundia et pudore, in sacerdote haud infimi ordinis praecipue laudando, coniungunt. Illae, quantum ab Alciphronis petulanti saepe et effrena verborum licentia, tantum ab Aristtaeneti nimis quaesita et vere Sophistica ingenii adfectione, et rari in solitique cuiuscunque in oratione captatione, remotae sua solum

vti omnium vermium genera, produci seu potius excludi, docuit iam *Aristot. H. A. V, 19.*

- 9) Conf. *H. A. V, 31.* Varias fuerunt olim de eadem re sententia. Alii enim venenum viperarum in dentibus, alii in lingua, alii in cauda, alii denique in singulari canali, cuius orificium ad dentium septum pateret, contineri putarunt. vid. Sam. Bochart. *Hieroz. Tom. I, p. 24.*

1) *Histor. Animal. XIV. 21.*

2) *Ibidem XV, 10.*

solum facilitate atque ab omni verborum ornatu abstinentia placere velle videntur. Sed ne, dum Aeliani laudo scribendi genus, cupidi laudatoris suspicionem incurram: iam nunc et ea breuiter attingam, quae in illius oratione vituperanda esse mihi videntur. Et primum quidem quamquam in eo summo opere elaborauit, ut sese ad exempla virorum summorum, quos antiqua tulit aetas, componeret et efformaret: tamen sophistarum morem, ubique ad poetarum loca alludendi, et historiolas ex antiquorum annalium memoria repetita intertexendi, adeo non mutauit, ut potius testimoniis, ritibus legibusque antiquis, narrationibus et fabulis tam varie sua scripta distingueret, ut eam ob causam merito Schneidero ad *Plutarch. de puer. educ. p. 118.* homo ineptus, veterumque *λυγγοβόρος μὲν* vocaretur. Exemplis, in hanc rem conferendis, quid immer, cum nulla fere pagina inueniri potuerit, quin luculentissima eius specimina occurrant? Ut tamen aliqua adferam, comparari poterunt, *IV, 7. VI, 3. IX, 39. XVI, 16. XVII, 35. ἵνα κρητικῶς λέγω*, quod ipsi tantopere placuit, ut illud repeteret *XVII, 40.* et *Var. Hist. XIV, 15.* Deinde vero nolo omittere, quae Conrad. Gesnerus in Aeliani oratione reprehendit, quamvis ad hoc probandum Viro Docto vnum tantum succurreret exemplum. Scilicet incusat Gesnerus Sophistam nostrum, quod, quamuis graecae linguae bene gnarus, tamen sibi temperare haud potuerit ab immiscendis orationi suae latinismis. Adducit in hanc rem *Histor. Anim. VII, 42. προστάττει ὑπὲρ τῶν ἁλῶν σπογγιστῶν — ἐπιστῆσαι αὐτὸν*, ad quae verba Gesnerus haec: *latinismum hoc dixerim, et Aelianum oblitum sui ὑπὲρ pro αὐτῷ posuisse. Latinorum enim praepositio pro, alias quod Graecorum αὐτῷ, alias quod eorundem ὑπὲρ cum genitiuo significat.* Sed a latinismi suspicione et iniuria liberant hanc praepositionis ὑπὲρ vim exempla a Doctissimo Fischero in *Animadu. in Weller. p. 317. collecta.* — Neque vero scio, an huc maiori cum iure referendus sit *Hist. Anim. X. 36. Φίλος ἦν ἄρα ὁ κύκνος πηγαῖς*

τε καὶ τενάγεσι, καὶ λίμναις, καὶ ΤΑΙΣ ὅσαι πεφύκασι ὑδάτων
ἐπιέροιαι τε καὶ ἀφθονίαι. Quamquam enim me non offen-
dit illud ταῖς absolute positum, quippe quod nec aliis scripto-
ribus inusitatum v. c. *Homer. Iliad. β. v. 681.*

Νῦν δὲ αὖ ΤΟΙΣ, ὅσοι πελασγικὸν ἄγρος ἔναιον.
*Plutarch. de puer. educ. c. 4. p. 16. ed. Heusing. καὶ ΤΩΝ, ὅσοι δό-
ξης αἰμυνήσθαι πεφύκασι;* tamen hoc mihi videtur a graeca lo-
quendi ratione alienum, quod substantivum, relicto casu arti-
culi sui praepositivi, illum adsumit, quo articulus sequitur re-
lativus. Certe ἀνακολυθία in his verbis continetur, mihi qui-
dem (tiro enim adhuc in hīsce literarum castris milito, in quae
tantum animi recreandi causa descendendo) admodum insolens.

Haec igitur de Aeliano, historiae naturalis scriptore,
scripsi Lipsiae. a. d. VIII. Calend. Octobres. A. R. S.
CICIDCCCLXXVII.

~~110 120 130 140 150 160 170 180 190 200~~